



INUIT TV

Qilamik Tuhaqtitakhak

Inuit maniktulirniaqtut iliharnirmut Inuit TV hakugikharaluaqlugu Inuktut

(July 9, 2020 - Iqaluit, Nunavut) – Nunavut Tunngavik Incorporated (NTI) Inuit TVkullu haqqitaat Inuit TV Nunavut Ublua tuhagakhaq.

“Atauttimi piyumayugut hakugikharutikhaanik Inuktun inuuihinni Nunavut Inuit.” Aluki Kotierk , NTI Angayuqqangat uqaqtuq. “Quyaqpiaqtunga Inuit TVkunut tautumayariyangannut Inuit pitquhiat uqauhiallu itiqtinarmajjuk aimaviptingnun Inuillu tuhaqtitaavagiangi uqauhiulluaqtumi aviktuqhimayuuptingni”.

NTI atuliqtuq avatqyumayanganik \$2.4 miliat, pingahuni ukiuni, hakugikharahuarlugu Inuktut, Inuit pitquhiat kinauniallu tuhaqtitaavaglutiglu Inuktut, uqauhiulluaktukkut Nunavunmi. Hajja, Inuktuutuqarluanninman Nunavut tiiviimi ajjikkuhirahuarlugu upluq tamaat tautuktauvaktunik pitquhirinngitaptingni uqauhirinngitaptingniglu. Inmiguuqluni Inuit TV ikayurutauniaqtuq ajjikkuhirahuarlugu ilihainikkut qungiaktittinikkut Inungniglu ilaupkailuni Inuktut.

Katimayit Inuit TVium quyagiumayait amihut ikayuqtuiyut piqatauvaktullu Nunavunmit ikayuqtuqtut uvaptingnik ukiuni, atuqhugit ayunnginnit ilihainirmi, uqauhilirinirmi qungiagakhalirinirmilu hamna ikpingnaqtuq tautumayauvaktuq atuliqinmajjuk,” Alethea Arnaquq-Baril, Angayuqqaq Inuit TVkuni uqaqtuq.

Hivullirmi ukiumi, Inuit TV turangayunik qungiagakhaqaqniaqtut, amigaikpallialugit 2021mi. Nanilugu Inuit TVkut qaritauyakkuurviat, uvaniluuniit inuit.tv tuharnaqhimaniaklutit.

- Nungummaa -

Turaqtittivikhaq:

Malaya Mikijuk,
Hivumuuriyi, Tuhaumatittiyini Ilihaqtuq
T: 867-975-4907
Email: MMikijuk@tunngavik.com
Tunngavik.com

Alethea Arnaquq-Baril, Angayuqqaq Inuit
TVkuni
Email: angjuqqaq@inuit.tv
inuit.tv

Mighaagut Nunavut Tunngavik Timinga (NTI)

NTI ihuarhaivaktuq munaqhlunilu kamagiyamingnik Nunavut Angirutaani naunainniaqhimavlutiglu gavamatuqatkut aviktuqhimayunilu gavamat piliriakhamingnik pivagiakhaita.

Mighaagut Inuit TV

Inuit TVkut timiujjutigiyaat inmiguuqtumik Inuit tiiviikkut qungiagakhalirinirmik tuhaqtittiniaqtumik ilihainiaqtumik, qungiaktittiniaqtumik ilaupkainiaqtumik Inuktun huli takuhiurilutik Inuit kinauniinnik pitquhianniglu.

Nunavunmi Inuit Nunavulimaami nunaptingnilu Inuktun qungiagahaqautilutik.

Tiiviirniq nukaqhinnuagaluanut, ihumagiyauyuq atauhiuvluni amihunit uqayukhinirmut titigayukhinirmut taiguyukhinirmullu ilihautauvluni.

Qungiakpaktunik apirhuutauvaktuq 2016mi (TVNEBSkunit) ikayuqtuiyakhaita Nunavunmiut ilihautikhamik tiiviimik (ETV) qungiagakhaqarnirmik ilitturijjutauyuq akhuruurutaupkiarnianik ihuaqtunik qungiagakhanik hajja takunnaittunik Nunavunmi.

Naalautit Inuktut tuhaannaraluaqhuni ilitturiviuvakkaluaqhunilu, Inuit TV tunngaviginiaraat qungiarnaqtunik nipigiktuniglu tikiutinahuarluni tamainnut ukiuqaqtunut iliharnirmilu ihariagiyauyunik.

NTIkut Maniktuutiginiat

NTI tunihiniaqtut \$2,469,578nik pingahuni ukiuni akiliqtuuttikhanik qungiagahaliurutikhanullu. Manngit NTIkunit avvagiyaat maniliugamingnit.

Maniliurutinit Atuagak, angiqtauhimayuq NTI Katimayiinnit November 2011mi, naunaiqhihimayuq avvarhautinik nungutirihimaittumiglu atuqtauniinnik maniliuganit uyagakhiurnirmit Nunavut Nunatarvium Iluani.

Maniliugat uyagakhiurnirmit avvaa turaqtitauvaktuq aulajjutikhanut avvaattaug nauvalliatjutikhanullu maningnut. Aulajjutikhat mangit tuniyauvaktu ukiuq tamaat avvahautigilugit NTImut atunilu Inuit Katimayiinnut aviktuqhimayuni.

Inuit TV Nauvalliajjutiginiarait Nunavut pivallianiannut ilihaujginikkut havaakhatigut nunaliurutikhanullu.